

Ministro Watty Vos ta enfatiza:

FIESTA CU ASUNTO DI ADMISION DI STRANHERO TA YEGANDO SU FIN

ORANJESTAD (AAN) - Riba e aspecto di admision di stranhero, Ministro Vos ta elabora ampliamente, cla y directo.

"Riba e maneho di admision, prome paso cu nos mester a tuma ta di para e fiesta cu tabata tin riba e ad-

DIARANZON MINISTRO VOS LO REUNI CU COLEGA DI ANTILLAS

ORANJESTAD (AAN) -- Ministro di Husticia Watty Vos ta señala cu gobierno ta trahando caba preparando e ley pa cu posicion di arma. Den e contexto aki, y entre otro, Diaranzon 13 lo tin un reunion na Curaçao, cu Ministerie Samenwerkingsraad, unda cu e lo tin un encuentro cu su colega, Ministro di Husticia di Curaçao unda nan lo trata diferente aspecto tocante Antiyas Hulandes y Aruba, entre otro, pa coordina un trabao conhunto pa yega na introduci cierto ley-nan.

Ministro Vos ta indica cu segun e Samenwerkings Regelen, tin sistemanan di ley-nan cu mester core paralelo cu otro, straatvordering y otronan caminda cu tin principonan di concordancia y cu mester ta igual cu otro.

"Tur esakinan pa muestra nos pueblo cu nos ta trahando riba diferente aspecto y cu pronto nos lo muestra nos comunidad e resultadonan di loke nos ta entamando na e momentonan aki", Ministro Watty Vos ta splica.

mision di stranhero". El a bisa.

Esaki, e ta sigui bisa, pasobra tabata tin momento cu hasta un trahadora por a firma den number di Ministro.

"Algo Imposibel!. Con bo por controla un admision, con bo por tin un maneho si na dado momento un dama por firma den number di ministro?"

Awor si e ta hefe di departamento mi ta compronde cu ministro por delegue. Pero no un trahador gewoon por firma den nombre di ministro pa duna un landensvergunning", Ministro Vos ta indica.

Ministro Vos ta califica e asunto aki como un falta total di orden, cual gobierno actual no ta dispuesto na sigui tolera. "Di unda ta bin mi no ta compronde pasobra mi no ta weita nada cu ta muestra cu tin algo cu a worde haci durante 5 aña pa

cuida y proteha nos pueblo. Nada di esey a worde haci!", Ministro di Husticia ta remarca.

E ta mira cu e consecucionan cu e pueblo ta confronta ta, un situacion dificil na Aruba cu nos tur mester combati.

Pero e ta bisa cu gobierno tin e conviccion cu nan lo bay soluciona e problemanan aki aunque gradualmente.

"Nos a cuminsa caba, pero ta gradualmente e mester bay. Bo no por yega y di biaha soluciona tur e problemanan aki". Ministro Vos ta menciona cu tin diferente investigacionnan cu mester bay sigui, entre otro, riba fraude y tur e cosnan aki mester worde haci den e mesun momento, loke gobierno ta mire como un reto.

"Nos lo logra esey. Aruba ta nos Isla y mi ta sigur cu tur Arubiano kier pa e isla aki bolbe back como un isla tranquilo unda cu tur hende

por biba sosega riba dje y ta pesey nos tur mester cera cabes. Gobierno lo bay enbolbe henter nos pueblo den esaki, pa asina ey nos tin un Aruba atrobe tranquilo".

Gobierno, Ministro Vos ta señala, ta bay dirigi su maneho di un manera cu tur hende por biba tranquil y no manera aworaki cu na dado momento hendenan tin miedo di cana na cierto caminda anochi pa nan no worde asalta of algo por pase.

"Pues den esaki naturalmente gobierno ta carga un responsabilidad enorme y manera mi a bisa nos lo haci tur nos esfuerzo pa nos por logra nos meta pa nos por alivia nos pueblo di e peso aki".

Riba tereno di admision di stranhero, Ministro a contesta un pregunta di DIARIO, tocante e destino di DVZ y tambe di e prizon di Dakota.

DVZ TA BAY DOOV:

Esaki den sentido cu DVZ no por keda na Dakota pero gobierno lo mande back na DOOV. Esaki ta encera un reorganizacion completo entre ambos instancia. Ministro Vos ta kere cu DVZ tabata djis un cambio cu gobierno anterior a introduci pa asina por tin un grupo di persona cu por a sigui indicacionnan di ex- Ministro. Es decir, e ta mira DVZ na e edificio di Prizon di Dakota como algo netamente politico, loke a pone cu awe tin orden den asunto di admision. Esaki ta e motibo pa cual Gobierno ta bay manda DVZ pa DOOV y mira si por yega na un areglo entre e dos instancianan aki, pa organiza e departamentonan completamente di manera cu nan por funciona optimal. Tocante prizon bieuw gobierno tin un plan pe, pero no a tuma un decision ainda riba dje.

PUITONAN PART II



TELEFONNAN
DI DIARIO
26747
FAX
28551